

**TAFLEN BENDERFYNIAD AELOD UNIGOL O  
GABINET CYNGOR GWYNEDD**

<b>DYDDIAD Y PENDERFYNIAD</b>	12/04/2017
<b>DYDDIAD CYHOEDDI'R PENDERFYNIAD</b>	18/04/2017
<b>DYDDIAD Y BYDD Y PENDERFYNIAD YN DOD I RYM</b> ac y gweithredir arno, oni bai bo'r penderfyniad yn cael ei alw i mewn yn unol ag adran 7.25.1 o Gyfansoddiad Cyngor Gwynedd.	25/04/2017

---

**ENW A THEITL YR AELOD CABINET –**

Y Cyngorydd Dafydd Meurig

---

**PWNC**

Gwerthu rhydd-ddaliad Ysgol Llidiardau

---

**PENDERFYNIAD**

Awdurdodi yn unol â'r Adroddiad Swyddog

---

**RHESWM DROS YR ANGEN AM Y PENDERFYNIAD**

Gweler yr Adroddiad Swyddog

---

**DATGANIADAU O FUDDIANT PERSONOL AC UNRHYW OLLYNGIADAU  
PERTHNASOL A GANIATAWYD GAN Y PWYLLGOR SAFONAU**

Dim

---

**UNRHYW YMGYNGHORIADAU A GYNHALIWYD CYN GWNEUD Y PENDERFYNIAD**

Ymgynghorwyd â'r Cyngor Cymuned, Aelod Lleol, Swyddogion Statudol Cyngor Gwynedd.


---

---

Adroddir ar ganlyniadau'r ymgynghoriadau yn yr adroddiad

---

## TAFLEN BENDERFYNIAD AELOD UNIGOL O GABINET CYNGOR GWYNEDD – ADRODDIAD SWYDDOG

Enw a theitl yr Aelod/au Cabinet :	Y Cynghorydd Dafydd Meurig
Enw a theitl Awdur yr Adroddiad :	Lowri Cadwaladr Roberts Uwch Syrfewr Stadau
Dyddiad y Cymerwyd y Penderfyniad :	12:04:2017
Llofnod yr Aelod/au Cabinet :	

### Pwnc :

Gwerthu rhydd-ddaliad Ysgol Llidiardau.

### Argymhelliad ar gyfer y Penderfyniad:

Bod rhydd-ddaliad yr eiddo a adbyddir fel safle Ysgol Llidiardau, ynghyd â'r tir cysylltiedig (a amlinellir yn goch ar y cynllun) yn cael ei werthu ar y farchnad agored ar delerau ac amodau i'w pennu gan yr Uwch Reolwr Eiddo Corfforaethol.

### Rheswm dros yr angen am y Penderfyniad:

Yn ei gyfarfod 15.09.2009 mabwysiadodd Bwrdd y Cyngor Bolisi Ôl-ddefnydd Ad-Drefnu Ysgolion.

Cydnabyddai'r Polisi fod ad-drefnu ysgolion yn debygol o arwain at sefyllfaoedd ble bydd safleoedd ysgolion yn dod yn weddill i anghenion y Cyngor ar gyfer cyflwyno gwasanaeth.

Penderfynwyd y byddai safleoedd sydd yn cael eu datgan yn weddill i anghenion yn cael eu gwaredu, a hynny yn unol â'r egwyddorion, polisiâu gwaredu eiddo a'r gofynion statudol arferol. Rhan greiddiol o'r polisi ôl ddefnydd oedd rhoi cyfle teg i'r cymunedau sy'n cael eu heffeithio pan fo ysgol yn cau, i ystyried llunio cynllun busnes i gefnogi cymryd perchnogaeth o'r eiddo.

Penderfynwyd hefyd y dylid cyflwyno adroddiad gwerthu penodol ar gyfer pob safle ysgol am sêl bendith y Pwyllgor Ardal perthnasol. Yn dilyn yr ad-drefniad cyfansoddiadol yn 2012, gorffwysa'r awdurdod cyfatebol gyda'r Aelod Cabinet Perthnasol.

### **Rhesymeg a chyfiawnhad dros gyrraedd y Penderfyniad:**

Yn achos Ysgol Llidiardau, ymgynghorwyd â'r Cyngor Cymuned oedd yn dymuno gweld datblygiad tai fforddiadwy ar y safle. Ymhellach, adnabyddwyd darparwr Tai Cymdeithasol ar gyfer ymgymryd a datblygiad o'r fath, ond yn y pen draw bu iddynt benderfynu yn erbyn datblygu'r safle.

Mae rhagdybiad felly o blaid gwerthu ar y farchnad agored. Er mwyn cyflawni ei ddyletswydd dan Adran 123 o Ddeddf Llywodraeth Leol 1972, rhaid i'r Cyngor sicrhau'r pris gorau posib wrth waredu eiddo. Gan hynny, polisi'r Cyngor yw gwaredu ar y farchnad agored fel bod gan unrhyw un sydd â diddordeb gyfle i brynu neu brydlesu. Bydd hyn yn sicrhau'r pris gorau ac yn sicrhau tryloywder.

Nid oes unrhyw fwriad gwerthu am lai na gwerth y farchnad.

### **Cofnod o unrhyw fuddiant a ddatganwyd gan unrhyw Aelod Cabinet yr ymgynghorwyd â hwy ac unrhyw oddefeb gan Bwyllgor Safonau:**

Dim.

### **Unrhyw ymgynghoriadau a gynhaliwyd cyn gwneud y Penderfyniad:**

Ymgynghorwyd â'r Cyngor Cymuned. Eu dymuniad oedd gweld datblygiad tai fforddiadwy ar y safle, ond er i ddarparwr tai cymdeithasol gael ei adnabod ar gyfer gwireddu eu dymuniadau, bu iddynt benderfynnu yn erbyn datblygu'r safle.

### **Prif Weithredwr**

"Dim sylwadau pellach".

### **Prif Swyddog Cyllid**

"Dim gwrthwynebiad o safbwynt priodoldeb ariannol."

### **Swyddog Monitro**

"Dim sylwadau o safbwynt priodoldeb."

### **Aelod/au Lleol – Y Cynghorydd W. Gareth Roberts**

"Hapus i gefnogi'r argymhelliad yma, ac yn awyddus i'r safle gael ei gwerthu i berson lleol."

1:1,250

